



Inatsisartuni ilaasortaq Aqqaluaq B. Egede, Inuit Ataqatigiit  
/maani

## Mittarfiit pillugit § 37 naapertorlugu apeqquteqaammut 2019-151-imut akissut

Asasara Aqqaluaq B. Egede

04-04-2019  
Suliaq nr.: 2019 - 8006  
Id nr. 40109541

Inatsisartut Suleriaasianni § 37 naapertorlugu Naalakkersuisunut apeqquteqarputit. Apeqqutitit uannut akisassanngorlugit innersuunneqarput. Apeqqutit ataasiakkaarlugit matuma kinguliani issuarneqarput, akissuteqaammik malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

### **Apeqqut 1. Qaqortup eqqaani mittarfittaarnissamut atatillugu innuttaasut kujataamiut neriorsorneqarnikuupput mittarfissaq angalanerup akikinnerulerneranik kingunekarumaartoq. Taama neriorsuuteqarneq naatsorsuineritigut missingersuutitigullu qanoq tunngaveqarpa?**

Akissut: Mittarfiit annertusaavigineqarneranni inuiaqatigiit aningaasaqarnerannut sunniutaasussanik nalilersuineq, Alloriarneq 2, qupperneq 23-imi "suussutsit 3-imi ilaasut" pillugit immikkoortoq innersuussutigineqarpoq.

### **Apeqqut 2. Sinerissami mittarfiit pioreersut sorliit mittarfittut piunerannik annikillisaaffigineqassappat?**

Akissut: Paamiut, Maniitsoq aamma Asiaat annerpaamik ilaasunik 19-inik ilaasoqarluni timmisartuussisartunik nunap immikkoortuani mittarfinngorlugit annikillilerneqarnissaannut periarfissat Naalakkersuisut misissussagaat, Inatsisartut 2015-imi ukiaanerani ataatsimiinnermi imm. 167 naapertorlugu aalajangerput. Misissueqqissaarnermik suliaqarneq 2019-ip aasaanerani naammassissasoq naatsorsuutigineqarpoq.

### **Apeqqut 3. Kangerlussuarmi Narsarsuarmilu mittarfeqarfiit iluanaarutaasigut mittarfinnut amigartoorfiusunut nammaqataanerat "matussusiisarnerat" atorunnaarpata tamanna qanoq aningaasatigut naleqassava?**

Akissut: Mittarfiit annertusaavigineqarneranni inuiaqatigiit aningaasaqarnerannut sunniutaasussanik nalilersuineq, Alloriarneq 2, innersuussutigineqarpoq, tassani Mittarfeqarfinni amigartooruteqarnissaq naatsorsuutigineqartoq periarfissatut ilusiliani allani naatsorsuinerni ilaatinneqarpoq.

### **Apeqqut 4. Kiffartuussinermik isumaqatigiissuteqariaaseq qanoq ittoq Naalakkersuisuniit pilersinniarneqarpa?**

Akissut: Ulloq 20. aamma 21. marsi 2019 for Naalakkersuisut, Inatsisartut aamma nunatsinni borgmesterit tallimat peqatigalugit attaveqaqatigiinneq pillugu isumasioqatigiinnerup ingerlanneqarneranut pissutaasoq tassarpiaavoq, kiffartuunneqarnissamut isumaqatigiissutissanut politikkikkut kissaatigineqartunik tikkuussinissaq. Naalakkersuisut maannakkut isumasioqatigiinnermi inerniliussat ataatsimoortinniarpaat aammalu kissaatigineqartut suliaqarnermi ilaatissallugit.

**Apeqquut 5. Naalackersuisut uppersarsarsinnaavaat Kalaallit Airport-ip piginnittuuffigisassarinngisaanni mittarfiit sorliit iluanaaruteqarfiusalissanersut?**

Akissut: Nalunaarusiaq "Mittarfeqarfiit – Mittarfiit nutaamik aaqqissuuteqqinneranni ingerlatsinermi aningaasaqarnermut kinguniusinnaasut", Naalackersuisut nittartagaanni pissarsiarineqarsinnaasoq, innersuussutigineqarpoq.

**Apeqquut 6. Upernavimmut Upernavimmiillu silaannakkut inunnik assartuineq billet-it akiisigut nammaqatigiiffiusoq siunissami Kalaallit Airport-ip ingerlatsilernerata kingorna akisunerulissanngitsoq Naalackersuisut uppersarsarsinnaavaat?**

Akissut: Upernavimmi mittarfimmut akigitat Mittarfeqarfiit akinut akillisarnernullu maleruagassiaanni takuneqarsinnaapput. Upernaviup angallassivigineqarnera mittarfiit nutaamik ilusiligaaneranni allannguuteqarnissaa arlaanniluunniit malunnarsisinneqanngilaq, naak Upernaviup pigisaani timmisartuussinermut akigititanut kiffartuunneqarnissamut isumaqatigiissutissaq neqeroortitsivigineqartussa apeqqutaasussaagaluartoq. Tamatumunnga soorunami 2023-imi akigitat aalajangersarnissaannut angallassisartut tunngavigisassa apeqqutaassapput.

**Apeqquut 7. Tamakkiinerusumik nunatsinni inunnik silaannakkut assartuussineq pillugu politikikkut piumasaqaatit suut Naalackersuisuniit naqissuserneqarsimappat?**

Akissut: Takuuk apeqquummut 4-mut akissut.

Neriuppunga matuma siulianiittuni apeqquutit akineqarsimassasut.

Inussiarnersumik inuulluaqqusillunga

  
Karl Frederik Danielsen